

四部叢刊

秋澗先生大全集

225

四部叢刊初編集部

秋澗先生大全集

二

卷二十三至卷四十五

秋澗先生大全文集卷第二十三

七言律詩

贈西雲上人 系海雲高弟

前日賓筵偶遂披覩一言當機口有不能
言者如雲之在天水之在鉗不復喻其快
也謹裁鄙詩奉為上人一喙某和南

吏用公才不易逢茶烟都颺落花風登壇懸斷群機
息面壁傳心萬法通慧眼正來珠媚浦浮雲飛盡月
當空虎溪公案元瀟灑會約松軒一笑同

謝岳昭文惠新曆

夢破敲門蝶栩栩一編星曆衍堯天人憐短景催窮
臘斗轉嚴城永日躔天外春回龍集闌林梢香動紫

生烟迢迢細付宮壺漏正是昭文進德年

跋祈真人畫像

何處人間有洞天青藜曾探寶珠玄柱頭留語疑遼
鶴物外孤吟覓閬仙木食草衣元澹泊竹風松月自
清圓壽宮舊有燒丹竈空憶靈砂漬夜泉

送安參政南還汴梁并序

參政安公與僕定交於中統初元契濶者
廿寒暑大德戊戌春邂逅於京師樽酒談
話追憶疇昔念故舊之彫零感歲月之易
邁情不能已者謹以唐律為贈既光回旆
且寓愚意之所託云

黑頭蚤挿侍中貂當日雲霄一羽毛忠翊殿庭稱謹

密量吞湖海見雄豪風雲夢統調元鼎玆奉光含切
王刀此去斯文應有記豐碑還擬泰山高

題南塘居士宋公畫像卷後

南塘結夏水芝香對展蘇黃拜燕堂文獻在公推故
舊琴樽娛客儘徜徉傷心此日空圖像照眼庭階失
鴈行白首那堪題往事未容枯筆涕先滂

跋東門祖道圖二首

東門祖帳盛官儀淠淠鳶旗動漠漠駢燕几道尊邊有
踐碧空雲靜日重暉飄瀟物表桑榆境洒落人間寵
辱機東海西邊兩丘土至今圖畫見宮闈

二疎心迹本鴻冥解紱東還弊屣輕劔履中朝何百
位風雲高駕渺雙旌問金奚有田廬計歸夢都忘寵

辱驚詔獄悖然賢傳死虛勞明主問蕭生

奉和寅甫學士九日迎

奎北口高韻

青山紅樹映晴霓玉削方臺積粟西不憚坡陀屢登陟
喜陪朝謁共扶携霜風偃薄千林靜雲海蒼茫萬象低
心自屏營瞻戀切佩聲長在筍班齊

翠華南下拂雲霓駐驂軍都漠縣西龍虎臺高驚峻絕
蓬瀛人老許扶携鷺鷥班迫九天日月瞻光近萬

國風烟入望低佳節迎

奎得清賞牛山初不羨東齊

過趙匏瓜林墓

靄靄停雲自所思樂天池上獨來時匏瓜散落和雲

扶踈醉移樽酒草堂前日夢山叢桂
猿悲因憶桓伊事却撫箏為解頰

長至日即事

睡起闌來催賀節牙牙紅點鴈成行
灰飛琯透千門暖繡刺功添一線長
極壽百年驚過半從心七秩有三霜
發身不羨錢神潤要把青箱付宦郎

挽平章御史中丞克齋公

易冠高聳絳為韞霜色橫空一鶚秋
癘鬼遽來露泰山歟裂駭黃流氣從
溫造行間見魂逐龍
下游反袂兩行知已淚黃雲衰草夢
西州

州者蓋闕取羊
曇西州門事也

哭挽母弟略監使

分携洹水儘離愁誰料儀真是徹頭留別有詩驚吐
咄逝波無夢便悠悠遠遊不負江山興鞭管
疇老子慮來非一事后溪溪上暮山

雪後即事

一雪都城二尺強桂珠生事日尋常群鳥慘慘飛不
下萬木林林凍欲僵頭戴鵝冠耳潦倒氣
泥截爲得放歸田去亦是明時盛事

即事

湘雲

月二首

是日
先府君明忌日

珍果犀錢繁洗盆瑣窻香霧濕湘雲春風暖透青綾
被初度祥開具葉文樺竹翠含筠穉嫩猗蘭紅茁露
芽芬細裁百疊清江錦留待盤囊備悅紛
彩檻移春照綺窻酒船浮臘進中堂負暄比戲茆檐
日燕寢先分鈿机香缸爐翠凝鏤鳳螭蘭膏春滿洗
兒湯碩應吾父情鍾愛一笑燈前撫坐床

送杜熙正省掾考滿授四川省都事

扣門有客稱熙正攷滿西歸得蜀除照眼鄉鄰常曲
好趨程閣道劔門嚶烟霄顧接新桃李黑業紛翻旧
簿書鄭重故人高左轄雪山清興近何如
聞長春宮溪水復至

臨漪門外碧波瀾又見分流入道宮閨苑煙霞增景
氣寶玄松桂動春風忘機靜翫沙鷗雪潤物中涵上
善功道脉川流元一致滔滔東注浩無窮

謝徐容齋贈梅

燕釵宮額蠟粧勻夢繞羅浮雪裏村持贈一枝遮老
眼淡依疎影度黃昏風流燈下佳人面瀟灑吟邊竹
葉搏我老忘情被花惱曲幃深鎖惜芳溫

容齋清節揚州遜贈我官梅興寄深宮額黃嬌渾綴
蠟綺牕香淡不盈襟春融壺浸催先發雪壓溪橋億
練尋節舍玉堂初不問似將渠表歲寒心

吊鄭徵君談心

江南饒州人將年四十五以
氣疾死大都官舍善五星

有易學注鄭氏
新說

春風雙節入閭門吳市東鄺遇異人太易有靈蟠化
筆天星飛跳見凝神燈幽窵室驚嫺畫槎泛銀潢掛
浙津反袂兩行尼父淚定中臺下泣吾麟

范徽卿風雪和林圖

天策桓桓控上游邊庭都付晉藩籌河山表帶連中
夏風雪洪濛戍北樓笑着奇謀收藥籠未妨民賦課
甌婁丈夫志在飛而食不讓班超定遠侯

題劉處士墓碑後

劉君襟韻晉人清耆舊風流有典刑三代鼎彝資聖
聖一家鴻鵠自冥冥宵中素貯文康訓雲際曾瞻處
士星花落草堂人去後隣翁時過看埋銘

大德二年冬十一月同昭文大學若思登

太史新臺周覽儀象久之而下侍行者姝
子公特

徙倚靈臺万象新仰窺圓蓋偃鰲臙龍衝都柱驚坤
軸望入星纏候北辰日挾陽烏符盎晷春浮元氣上
儀輪思侔玄化稱平子太史于今恐後身

贈下蘭奚侍御

奕世威名大樹瀟孫支騰秀見英標肅清吏黜懷三
畏摩拊民瘼入六條烏府共推清廟器黑頭行棹侍
紹仕優政有詩書樂洗耳齊竽聽舜韶

廣平毛巨源壽 萱堂

百頃無尊五福榮華堂高揭綠萱名鳳花雅負志憂
酒香翻壽觥蘭玉照庭連秀色珮環合節有

東風細颺簾旌繡會見鸞書下玉京

張子惠母夫人手卷

夫人內治日嚴貞省定歸時有訓懲孝威庭闈深色
養德融民社見春疑凱風吹棘心何切宿草含輝樂
不勝七子有材俱茂異慶門從此福川增

王太君授誥正月十四日拜慶家庭

隆福宮深淑景長今年壽席倍恩光鸞迴紫誥擎
來重花霞滿興暖更香象服委佗儀範逮
兩宮朝賀佩環鏘細傾洗玉池邊酒常領春風拜

北堂

送趙提舉仲遠之順昌縣尹

望入江城鴈影翩春風吹上洞庭船幾年戰藝東湖

上一日觀光北斗邊勝賞莫誇王勃序吟鞍歸鳥繞
朝鞭詩雖六義功非易未厭蟲魚學鄭箋

送李司馬任順德總尹

司馬桓桓漢徵侯十年藩府佐邊籌氣凌朔漠三秋
雪人在元龍百尺樓已濟時艱完大節又宣風化入
南州知君致澤平生事行聽民謠擁八驄

順德道中

魏勃何人擁使輶鵲山東下半林皐清霜原野鵬盤
健明月關河鴈影高遊宦有心空載質宰平無策漫
操刀黃金臺上燕昭相甘為摠衣授六韜

贈中山賈仲器

刻書工賈仲器中山求平人諱德玉爲

人誠信多巧思平生好讀許慎說文識
解字意故刊書際多所助益衆工讓能
推為方今第一手近趙人木甲氏亦稱
善碑刻者膠書紙於石立鐫全文略不
失真未審與仲器所刻氣韻為如何也
賈今年近七旬技精不少裴白髮蒼顏
兩目鵠視侶耻與九禽為羣耳來求詩
書此為贈

翠琰梁停有異觀賈生珉削近烏欄須知成已填書
藝信是春坊刻玉官千字誅精山鬼泣一鐙思苦夜
臺寒惜君不致山陰襖八法從渠入木看

已亥歲京師除夜

住京誰計畫
叔錢戀
關心丹力不前干
祿自慚三
釜粟借車津遣五窮
缸故鄉此夜偏多感
衰鬢明朝
又一年乞得殘骸便歸去
草堂猿鶴已淒然

庚子元日賀荀嘉甫授徽政院長史

忠孝堂堂漢宇孫更忙
相見每留髡掃愁不爲青藤
酒展賀來敲白版門中議
素高徽政府清吟時接謝
公墩老夫幸有西池遇東
閣垂思合細論

詩里平章公

漢家六合恢文治
雨露恩深到海涵
機務揀時傳世
業衣冠故里仰華簪
闔門飢凍心雖切
七秩歸休分
亦堪一語倘蒙天
賜去故山春滿讀書龕

謹按遺山筆錄載梁氏家世甚詳中有云

斗南先明昌二年進士爲人讀書精
熟喜作日幹局吏能剖繁治劇不肯下
一世人人長於機務可謂有廼祖之風
矣故有傳世業之句

雲卿郎中方以嗣續致慮側聞弄璋喜作
詩爲賀

平生陰德爛于門况復昌黎一氣氲詩夢占祥元有
兆大賢之後豈無人蘭芽秀茁根初異海藻生遲實
自珍我老喜爲湯餅客一樽光動竹亭春

夢昇天詩

庚子春正月壬午日夜夢天風吹來星漢
未曙梯雲上征極天宇而止予倚雲下視